

[www.BibleForChildren.org](http://www.BibleForChildren.org)

# Mataibo 26



Kia biigatadai  
naadami tasai ix  
ipidunagi go  
bagimi ix makidi  
Daibunigiri tigidu dai  
Suxi ayi Betaniiri xako  
oidakatadai go Lasaro. Idi ir  
igai baaxi Lasaro ix  
makidi duakarhitadai go  
Suxi. Mesa buidiri darakatadai igai  
taidi go Maria iduni agai imo  
xadutudaragai Suxi bitari dai bhiiyi  
imo tukayu biakami tajukami litro asaiti xigian  
ubadami ix makidi nardo tigidu.



Kiiga  
finuakamikatadai  
dai kii namiakami  
go asaiti dai  
iikasodiana toi igai go  
Suxi dai gokiiiri iigi gi  
kuupakidi buanigi go Suxi  
iikasodi oigidaitai. Dai  
biixi ami tukabi xako  
darakatadai igai kiiga xigian  
ubaitadai go asaitikidi ix makidi  
toi igai go Suxi.



Bhodiri go kirri Udaxi Iskariote tigiduki dai ix makidi ir imadutai go bhaibuxtama dan goka mamaatirdami, jii dai mi aataga imadi titianidamigadi go daxdadami. Aagidi igai sai tiigida agai go Suxi.



Daidi go tītianidami bhai gīn irhi kaikai aatagidī. Dai aagai sai oida agai tuminxi xudu gīn tīgidagi igai go Suxi. Daidi abhiadiri go Udaxi kaxi gi aagakai gaa ixdukatai tīgidagi go Suxi.




Dai go mamaatirdamigadi Suxi  
iigidi dai mii bhai dui kuadagai  
kiidiri imo kiirhi Jerusaleniri  
oidakami. Dai bhodiri kia  
gakuadatadai igai dai Suxi bhiiyi  
pan dai aagai imo  
Diuxiatanamiiidaragai Diuxi. Dai  
bhodiri saasasai igai go pan dai  
maa go mamaatirdamigadi.



Daidi potitidai, —Ugabirai, idi ir  
gin tukuga gi dukami— ititidai.  
Dai bhodiri bhuyi igai imo arhi  
baso biakami bino dai aagai imo  
Diuxiatanamidaragai Diuxi go  
binokidi ipi. Dai maa igai go  
mamaatirdamigadi daidi  
potitidai, —libirai aapimi  
biixkatai— ititidai. —Idi bino  
ir gin ira gi  
dukami ix  
makidi gi aaxta  
agai mukukai aanii  
mui odami biitarii.




Gin irakidi gi namiatulda agai  
go ñoki ix makidi bhai buayi  
Diuxi odami imadi. Gin irakidi  
oigirhixikami bii agai mui  
oidakami soimaaxkamigadi gi  
aaxtakai gobai tudu— ititidai.




Dai bhodiri maa Suxi imo ñoki go Ximuñi dai potitidai,  
—Daiñi aapi Ximuñi, go diabora gatái oigaragai xi gin  
duiñdagi naana maaxi soimaaxi sa bhai ka mai  
buaboitudada aapimi dai podukai ikobai gin darasana  
igai aaniañdiri. İpian duñimu igai xiixkadi odami  
gigidagi kosadi tirhigi sai ikobai biina go kosadi.

Soimaaxi gin  
taatamitulda agai  
igai tudu— ititidai.


—Diı gia gi  
daanturhiña aani  
aapi Ximuñi  
Piduru sai mai  
ugitina gi  
buaboidaraga.



Dai xīxkadī ka daibuñagi ixtumaxi daibuña agai ka  
ïmadukai gī tigitomu aapi ipamu. Dai amaxi ipirhidi aanī  
xi soikīdagi aapi gī suskurhi dai gī xixīgi Diuxi amadīrī  
sai kīiga gubuakada ïgai buaboidaradī— itītīdai.



Dai go Piduru potitidai Suxi, —Gin Tianidamiga, aani  
bhai gin duu xi gi oidagi toma xakoga imidagi aapi,  
tomaxi gin maixatudagi aani xiipi xi gin muatudagi aani  
gi oiditai— ititidai. Dii gia Suxi potitidai, —Gi aagidamu  
aani ixtumaxi Piduru. Xibi mai kia kujuitai takuku  
kirhiadi aapi baikojo potiimu sai maiti gin maati—  
ititidai.



Bhodiri jii Suxi abhiadiri  
dai ayi xako  
Getsemaniana tigidu.  
Dai Suxi potitidai  
mamaatirdamigadi,  
—Tami abir gin niniraka  
nai aani mii aatagada  
inagai Diuxi imadi—  
ititidai. Daidi potitidai igai  
Diuxi, —Gin oga, aapi  
bixi aikatai ixtutuidikii xi  
duñagi di. Kaxkidi xibi  
maiti dagito xi soimaaxi  
taata aani— ititidai.



—Dii aanii bhai aagai xi  
gin duiñdagi ixdukatai  
aapi ipirhidi dai mai xu  
ixdukatai aanii ipirhidi  
tomaxi kabami soi  
taadakagi— ititidai.



Daidi go Udaxi gamoko baidakai sandadarugadi go  
adaama bhaiti kiakidi dadaxdadami. Dai baidakai  
fariseos ipi imadi jaa mui sandadarugadi go  
Romanos. Bhii iimii igai kukudakarui dai kiiga  
mamaaxtaitugai ipi. Dai imadutai go  
mamaatirdamigadi bui gii go  
pioñigadi go dadaxdadami  
bhaiti kiakamigadi ix makidi  
ami gasaagida imiitadai. Dai  
maxtaikidi guikuta igai  
naakadi siirhixapadiri. Dai  
Suxi potitidai, —Dagitobirai,  
maiti abir pobuada— ititidai.  
Dai Suxi mii taata naakadi go  
pioñi dai mos taatakai duayi gobai.



Dai go odami bhïiyi go Suxi dai baidaja kiidiri go  
tïanïdamigadi go dadaxdadami. Dai go Piduru oidi  
bhai miikaxdiri. Dai ka aikai go odami ami kiiyiri  
sai nai igai tai ami  
tuixikana dai ami xikorhi  
daraiba. Dai go Piduru  
ami gasaagida  
dakata dai ipi.



Daidi ami kīakatadai imo pioñigadi go bhaiti kīakidi daxdadami. İgai ir imo aduñdikatadai go ix makidi Piduru guikuta naakadi. Daidi igai potitidai, —¿Maiti ix gi niidi aanı ikiapo? Amıka aimıraitadai aapi go Suxi imadi xako ixiga mui olibo irhi aanı— ititidai. Daidi go Piduru ipipi potitidai sai maiti ir buaboi. Dai mos potii igai tai kujui imo takuku kirhiadi. Dai busai go Piduru abhiadiri dai suakimi kabami soi gi ildakai.




Dai bhodirī bīīxkatai go bhaitī  
gukakami bhīkai go Suxi abhiadirī  
īmpaiñdaragaiñdirī dai mīī baan kīī  
go kaigi Pilato buidirī. Daidi go  
Pilato potitidai go Suxi,  
—¿Aapi pīxi īr reygadī  
go judidiu aidī?— ititidai.  
Dai Suxi potitidai,  
—Podukai aba ix dukai  
aagai aapi— ititidai.




Dai go Pilato dagito irhiditadai go  
Suxi dai ipamu ñokidi igai go odami  
sa bhai bhai aagana. Dii gia go  
odami bhaiyoma giger inakimi daidi  
ikaiti, —Kuruxiana abir  
xixa, kuruxiana abir  
xixa— ikaitiña.



Dai aidī gia go Pilato gatīigi go  
Suxi go sandadaru mīsai  
bhīkaiña dai kuruxiana xixana.  
Daidi bhodīrī go sandadaru  
bhīiyi go Suxi dai baidakai īmo  
gidiīrī xako odami modīrī tīgīdu.  
Dai ami Gólgota tīgīdu  
Hebreokīdī īpī. Daidi go Suxi īigi  
kusuba iimīi kuruxigadī.



Daidi go sandadaru bhikhai go Suxi dai  
mii gidana kuruxiana xixa. Dai jaa  
kukuruxiana xixa igai ipi goka  
kikiirhi ipi ix makidi ir  
iixibogami dai  
Suxi irana bii.



Daidi tukamutu go tasai tomaxi daandukukatadai aidii  
dai tukapi bii oidigi asta pari baikiri urunoko ukami.  
Daidi iran siirhi sarai go gii ikuxi ix makidi go gii  
kiupiana nagiiikatadai. Dai giger iina go  
Suxi dai gokiri potitidai igai  
Diuxi, Gin Oga, ititidai. Gi  
nukaturhi aanii gin ibhidaga,  
ititidai. Mos potii igai dai muu.



İmo bianaxiko muu go Suxi. Dai  
dajatadai İmo kİirhi Arimateańdiri  
oidakami Jose tİgidu. İgai İr  
İmo dunukami dai odami  
kİi oigİdaitadai. Tİgito  
ajiopaińa İgai sai  
dibiagai Diuxi  
otosadi dai sai İgai  
İmo gİi tİanİdami  
dukai

kİkiba aagai  
dibiakai. Go Jose  
yaasa İrhİditadai  
tukugadi Suxi dİi  
ka uruitadai oidigi dai  
xadiko ka maitİ  
aatabuayi.



Kaxkidi maigobai dai igai  
duadimudagai dai jii dai mii  
baa buidiri go Pilato dai  
gatai go Suxi tukugadi.  
Taidi Jose sabirhi imo  
ikuxi namiakami dai  
tibañi go mukiadi  
dai go ikuxiiri  
bhixa.

Dai imo  
aitiana xako ka  
digarxikatadai ami tii.  
Dai bhodiri taagiña  
dai imo gi o dai.



Pogïdui gobai go tasïri ix makïdiri bhai  
buayi go judidiu biïxi ixtumaxi go  
ibhixtaragai tasïri biïtari.

Dai xadiko kaxi ir go  
ibhixtaragai tasirikatadai.

Dai aidï iji go  
titianïdamigadi go  
dadaxdadami  
ïmadï go fariseos

dai miï  
niïdi

ïgai go  
Pilato.



Daidi potitidai igai, —Go Suxi siirhikidi  
yaatabogatadai— ititidai.  
—Kiiga gir tigitto aatimi  
ix ikaitina igai mai kia  
mukukai. Aidi pokaitina  
igai saidi xiixkadi  
mukiagi sai abhiadiri  
baika tasaikidi  
duaka agai  
ipamu.



Dai iji go titianidamigadi  
go dadaxdadami imadi go  
fariseos dai baidaja igai  
sandadaru dai mii  
nukaturhi igai xako  
yaasapikatadai Suxi.



Dai daxi igai imo seyo ami  
xako tijobiana arasaka go  
gii odai sai podukai gi  
maatikana ix bhai  
kupioka ixtumaxi go  
tijobai.



Dai xadiko ka daibusaitadai go  
ibhixtaragai tasai dai kaxi ir  
Tumiñoko baidi mos maaxiko  
oidigi sai iji go Maria  
Magdalena imadi go  
gimai Maria dai mi  
niida agai xako  
yaasapikatadai go  
Suxi.

Dai todian dukai  
gigiburhi oidigi ami.  
Tibagiañdiri tibi  
imo tiañikarudi  
Diuxi kaxkidi.



Dai maigobai dáí ïgai go  
gïi odai ixtukïdï kuupidi xako  
yaasapikatadai Suxi. Dai ami  
go gïi odiana daiba ïgai.  
Dai kabami duduadimu  
go sandadaru mïi  
aïkai go tiañikarudï  
Diuxi.

Gigiburhi  
ïgai dai susuikitu  
dai koidadï  
duu biitikatadai  
dïbirapi mos ïi  
duduadikukatai.



Daidi go tiañikarudī Diuxi ñokidi go  
oki ix makidī ami dadatadai daidi  
potitidai, —Maiti abir  
duduadikuda. Kīi maati  
aanī sai gaagai aapimī  
igai ix makidī  
kuruxiana gi xixatu.



Gaagai aapimī go Suxi tudu—  
ititidai. —Mai tipu igai tanai. Kaxi  
duaka tudu ix dukai agaitadai  
igai baasikioñdiri tudu—  
ititidai. —Bhaigobai abir  
niniada xako  
yaasapikatadai igai  
tudu.




Daidi go oki otoma iji dai kīga bhai gīn  
īrhiatugai īgai dai duduadimutugai īpī  
dai mīī aagida agai go  
mamaatīrdamigadī Suxi. Dai kia  
boiyamu imīī īgai baidi Suxi  
buidīrī ayi dai biaturhi,  
—Bhaiga— itītidai.



Dai go oki boopoi dai mii buidiri  
kuiki dai taata iikasodi dai idui imo  
xadutudaragai igai biitari ami.





Gokiiri imo imidagai mesa buidiri darajatadai go bhaibuxtama dan imoko mamaatirdami baidi go Suxi gi maaxitu buitapi. Dai Suxi bhagaidi igai dai aagidi sai arhii kapaka iibhiadi dai sai mai buaboitudaraga igai.

Mai buaboitu igai go ix makidi aagidi ix niidi ix ka duaka igai kaxkidi. Daidi bhodiri ka naato aagakai Suxi Gir Nukadakami aatagidi bai Diuxi baidaja igai tibagiiri. Dai ami Diuxi maa imo giidukami siirhikami dai maa xi gi siirhixapadiri daibana go Suxi.



—Diuxi sīrhikīdī kīiga oigīdai bīixi oidigi  
daama óidakami dai kaxkīdī gin otoi igai  
aanī ix makīdī ir Maradī imadugakīdī.  
Gin otoi igai an sai mukuna bai mai  
kona ix makīdī gin buaboitudagi  
dai bhayoma bīixkīrī bīitarī  
óidakana.



Romanos 3:23 Daiñi, Diuxi sïirhikidï kïi tuiga dai kïi tiodi dai bïixi óidakami ïr soimaaxi buadami dai mai ajïi Diuxi.

Romanos 6:23 Go soimaaxkami maitïkidi ïr go ïi mukigami tudu. Dïi gia Diuxi gïr maakai ïmo oidaragai. ïgai gïr maakai ïmo kïigakïri oidakaragai bïixkïri bïitarï tudu bïinakatai aatimï Gïr Nukadakami Suxi Kristo.

Hebreos 9:27 Daiñi, odami mos arhi ïmo imidagai mumukui. Dai gokïiri arhi ïmo imidagai aagada agai Diuxi ix bhai kïiga dui ïgai xïipi xi mai kïiga dui ïpi.

Efesios 2:8,9 Kïi tuiga Diuxi gïn bïitarï kaxkidï kïigakïri bubuaka aapimï buaboidakai. Mai kïigakïri bubuaka aapimï ïigi gïn gubukarhigakidï tudu. ïmo oidaragai gobai ix makidï gïr maa Diuxi bhaiyoma.



Odami maiti ixtutuidikii xi iigi kiiigakirii gin bubiadagi aaduindadikidi. Kaxkidi mai tipuka agai xorai potiiyagi sai iigi gubukarhigadikidi kiiigakirii busai. Mai tipukamu ixtukidi gidukidi gi aagagi tomarhi imadutai aidi.

Romanos 10:9,10 Ga aagidiña aatimi sai gi agai xi odami buaboitudaitai po tiiyagi sai Suxi Kristo bixi adaama ir Tianidami. Dai sai gi aagai xi kiiigakirii buaboitudagi igai ix Diuxi duakaturhi go Suxi. Xorai pobuadagi gia kiiigakirii bubuaki agai.

Diuxi kiiigakirii gir niidi buaboitudakai aatimi tudu, mos maaxiko aagakai ix buaboitudai aatimi.

Juan 3:16,17 —Diuxi siirhikidi kiiiga oigidai bixi oidigi daama oidakami dai kaxkidi gin otoi igai aanii ix makidi ir Maradi imadugakidi. Gin otoi igai an sai mukuna bai mai kona ix makidi gin buaboitudagi dai bhaiyoma bixkiri biitari oidakana.



Diuxi gin otoi oidigi daama mai xu sai aagana aanī ix tuma gīgibituldaragai ajīga óidakami. Gin otoi īgai bhaiyoma an sai kīīgakīrī bubaidana óidakami— itītīdai Suxi.

1 Juan 5:11-13 Diuxi gīr aagidi sai gīr maakai ibhīdagai utudui sai kīīgakīrī óidakana aatīmī bīīxkīrī bīītarī mos buaboitudakai aatīmī Maradī tudu.

Kaxkīdī gī maatī sai xorai buaboitudagi Diuxi Maradī ka bia go kīīgakīrī oidakaragai bīīxkīrī bīītarī. Dīī gia odami ix makīdī mai buaboitudai mai bia gobai.

Daiñi, gīn ojidi aanī aapimī ix makīdī buaboitudai Diuxi Maradī saidi kīīga maatikana aapimī sai ka bia aatīmī go utudui oidakaragai ix makīdī bīīxkīrī bīītarī kabakarīi.



Mataibo 26-28; Lukas 22-24; Juan 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Tepehuan Northern (ntp) Copyright: Ethnos360 Sanford,  
Florida

<https://www.bible.com/en-GB/bible/3339/GEN.1.NTP>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

